

避兵者率保聚此山元初卽以西南之黃山  
焉明一統志載有龍鬪崖明聖水硫磺池仙人

巖鶴子山佛兒嶺諸勝龍鬪崖爲兩峯相對處懸  
仞岵岵相向其下五里許爲太湖俗傳湖本在山  
有二龍龍鬪而崖崩崖崩而湖落故其下謂之落湖卽  
此傳之者妄也斯山重巖疊嶂槃鬱一方懸泉注壑落  
石橫谿積而爲湖乃自然之理居民緣湖聚落卽謂之  
落湖卽崖下有千尋澗飛淙下注謂之劍口一云澗口  
京山趙如鼎洪山記曰重巖倒影溪澗礪礪遠望山腰  
素練若霏卽指此也澗水來自白龍池池在奇峯寺西

下數里平懸一峯卽酈氏所云懸鉤處也今俗譌名喚  
狗山山半澄澈百頃如鼎曰南池乃白龍所居中通江  
海曩入犍爲牂牁夜卽募棟橈榲栳悉沉之青衣嘉陵  
諸江漏出池澳且海魚鱖鱗游泳水涘每大風有澎湃  
之聲起江豚海豨出沒其閒亦嘗浮敗船存蒼梧番禺  
字但不許入蜀募材爲何時事舊志載安陸鄭獬嘗夢  
身化爲龍浴於斯池醒猶自見其尾於牀上故談圃言  
獬是龍精獬宋皇祐五年進士第一人池水溢出下逕  
龍鬪崖又曲折逕洪山寺卽奇峯下院也寺前爲太湖

湖水平波數十頃舊傳湖有龍神宋張商英于方壘  
云鄉人張武陵因旱具羊豕將禱於湖慈忍師止之即  
自入山披榛捫石至北巖閒冥坐默禱霖雨果至池水  
自湖南流十餘里至劍口南出爲富水又有黑龍池在  
山之南懸崖萬仞下爲蛇山池在其下爲均水源池上  
有石梁石柱上刻永和六年字自劍口南行十里爲水  
磨坪黃仙洞在焉洞中平曠可容數百戶洞口徑丈餘  
卽元初所置州治地明末避流賊亂來居者尤多如興  
洪山物產記曰是時寇盜南奔江漢汝濱之民竄匿山

隨州志

卷之二 山

三

谷饑無菅草子米屑如珠死者迨逐駘藉過於黃巢之  
亂而山蹠男女繞澗麓提長鏡掘黃獨支石釜煮澤瀉  
存活萬計皆山靈之賑卹也又曰洞中有石窟藏古鏡

鏡

音釘廣韻豆有足  
曰鏡無足曰鏡

欲篝火尋之時聞風浪聲飛大蝠

蝠拂人火不得燕鄴氏所云穴內嘗有風勢是也其地  
與鍾祥縣接界自澗口而上路極嶮峻十餘里曰馬驥  
嶺度嶺而上爲一天門一天門而上爲靈峯寺卽奇峯  
寺寺在寶珠峯頂境極奇曠寺中有泉爲明聖水亦曰  
黃龍池幽泉感沸寺僧承以竹筧引入香積前代避兵

至此者萬象爭趨不測如神其巖窟無龍臥在頂爲  
長黃龍所潛聞寺中經聲佛咒婉婉如小童魚或  
狀亂蟻蟻學蟻揚升入瓶鉢亢昂得一潭地地揚鬚眉  
兩四布歸蟻蟻泥林木不振水泉噴噴三湫是禱山頂  
有三鐵釜釜大數圍色幹古黧相傳釜口所向處其歲  
必豐寺有蓮花臺爲牧蛇禪師拜禮草巖處其下祖塔  
宋報恩禪師所葬也塔後修竹數十竿挺生石上別賦  
貞骨經數百年不凋其南一峯曰靈鼓樓其北曰捨身  
崖謂之洪山三峯懸鉤處在三峯之西捨身崖者舊志

隨州志

卷之二

載張老從慈忍師入山修道化去其妻來尋不獲遂自  
投崖下人見其乘白雲升天去張老疑卽張武陵此亦  
浮屠氏誇誕之辭也自懸鉤西北出路皆峭嶮幾二十  
里始漸平坦爲五里坪曲折幽邃有上中下三坪自上  
坪西入三里峽行數里有仙人洞洞極幽深中有石牀  
石枕昔知州王納言篝火而進行數十里莫窮其底又  
有穿洞在山西北中通一竅僅容人行徑通長岡店疑  
卽酈氏所謂石門也靈濟巖爲慈忍師初至入定處飛  
磴三級深穴窈然疑卽酈氏所云鍾乳穴也其上有幽

濟禪院其東五里許爲猪龍陂盤石突出相傳龍神聽  
慈忍師講法處也陂上有藏經塔藏經及舍利子宋嘉  
祐中建東十里爲斷足巖元黃潛崇寧寺記云慈忍師  
以太和元年五月二十九密語龍神吾前以身代牲輟  
汝血食今捨身餉汝汝可享吾肉卽引刀自截左右足  
白液旁流儼然入滅居人函其雙足而藏之肉色不壞  
故其地曰斷足巖又東十餘里爲鶴子山俗稱巒頭砦  
如鼎謂自斷足巖至鶴子山皆是峭嶮劣得道步山上  
恒見火燼埵竈乃前朝寨柵遺蹟羣巒東走斷而復起  
而揖焉

隨州志

卷之二

山

五

爲佛兒嶺亦名佛二嶺上有望洪寺西望大洪奇峯霞  
舉萬木屯陰積雪耀白山東西五十餘里南北四十里  
四面陡絕其中林巒聳異巖壑抱幽扶輿盤薄鬱極而  
流爲郢復羣山之發脈登高而望大陽大猿諸峯若拱  
天橋山在大洪山西北二十里卽其支峯也迤邐漸竦層  
巒隱秀下有娥皇洞浪水所出俗傳舜妃娥皇居此蓋因州有  
歷山而附會也潭水澄碧入者緣崖行數十步入小石門道路  
平坦境甚軒敞入玉皇閣有天生石龕石蓮花石觀音像皆極

一曰鑿不假人力自玉皇闕入其徑漸狹幽深不測山  
有石牆遺址

黃崖山在西南一百里

大浪山在西南七十里歸化鄉層巒疊嶺勢如湯瀉

寨子山在西八十里山下有龍泉

嵩山在西八十里濛潭店之東舊名空山山不甚峻而峯  
巒秀逸孑然中峙南北諸山相環拱有類于嵩嶽故以  
名山山有寺舊志謂松山寺寺前石坡平廣名石臺峭  
臨水側水名滋潭實湏水經流潭上盤石徑丈許有巨

隋州志

卷之二

六

人足跡相傳仙人垂釣處

清涼山在西四十里安居店盤折幽邃形家言山脈自棗

陽唐子山來歷迴龍馬鞍至湏水北結此山山下爲長

慶寺宋元祐初僧長慶建湏水襟其前澆水繞其右大

洪諸嶺北面朝拱嵐翠獻媚別成異景其西北支峯介

然自立離頂數武有扣姑菴傳極幽奇今遺址猶存

卓劍山在西南三十里孤峯巉削插入雲表宛如卓劍

以上自大洪東來州西南諸山

龍居山在西南三十里舊傳隋文帝微時居此

詳後古蹟

有銅管半沒土中其色深黝無款識

藥山在西北七十里涓山鄉俗傳張子房採藥於此其山孤  
峯峭峙曲逕盤旋實為西南隘道山半為了角寺

十九山在西南九十里其山綿亘一十九里蓋自大洪山  
蜿蜒起伏至此始平

土山在西南七十里水經注均水逕土山北即此山也其  
南為漳水所出梁於此置龍巢縣又置土州隋改土山  
縣以上州西南諸山

隴州志

卷之二 山

夾牛嶺在南一百里

金線嶺在南七十里有小徑迢遞直通頂上土色皆黃遠  
望如金

鉉跡嶺在南七十里此紀南李信純事見搜神記俗譌作  
狗跡云慈忍禪師露宿此嶺不知野火至師常以犬從  
犬入港冒水滅火今嶺上尚存遺跡非也

青林山在南百里舊志云山木蒼翠故名頂有石垣元末  
兵亂平林明玉珍率鄉人結屯相保于此當即其遺墟  
也

大猿山在南四十里山勢峭拔一名大狐山顏氏漢東志謂張衡南都賦天封大狐卽指此然考水經注大胡山在泚陽縣東北廣員六十里張衡天封大胡是也泚陽卽今泌陽縣去此四百里大胡之不在州境明甚今俗稱巫山其南有紫山山下有紫溪卽浪水上流故舊亦稱浪水發源大猿山也

落石山在南七十里其西有聚石山

金雞山在南七十里

善光山在南七十里本名仙城山李白文集所謂紫陽先

隨州志

卷之二 山

八

生八歲徑仙城山者此也山有滴水巖馬駿嶺白牛池響石堂諸境其東有澗山陂舊志謂之現光山德安府志稱爲隋帝女仙城氏修靜於此然不詳帝女何人考隋書列女傳煬帝女南陽公主適宇文氏國亡後出家爲尼然不聞以仙城稱亦不言在隨舊志於紫石橋下載隨侯女修行有鴉爲引道虎爲開山之語當卽一人事而傳聞互異耳山或以帝女得名或帝女指山爲天未可知也

府君山在南七十里卽善光支峯府君之名不知何始

巒秀峽石逕盤紆溪繞山迴境極幽勝下有雲罩寺舊傳僧了靈始建了靈不知何代人康熙初僧道階募修學正王岱爲之記稱德安府守許廷試感夢助修爲山靈示異然不詳雲罩何義舊志現光山下言昔楚昭王奔隨居此有雲罩其上今此山與現光基址相連寺名疑卽緣此而起

君子山在南七十里居人俗厚故名亦善光支峯

靈泉山在南六十里山下有古寺額曰妙濟碑稱宋大明五年亦古蹟之僅存者

隨州志

卷之二

山

九

蜂子山在南五十里其石似蜂窠

慈山在南五十里

辰山在南四十里其最高處曰青龍嶺能興雲雨山後有白雲寺宋乾德五年建舊名黃雲寺右有普同塔後繞古松數百株蔚然蒼翠

大宿山在南四十里

玉山在南四十里山巖峻峽多白石上有古廟廟中有風洞

三爪山俗名鷹爪山在南三十里何家店



高廟山在南二十里

驪龍山在南二十里

獨宗山在南十里形家言衆山皆高則卑者爲尊故稱獨宗山  
以上州南諸山

界山在北一百四十里山有洞穴湖廣通志載明嘉靖中  
尙書顧璘秉火行數十里見石壁書云西南可行東北  
勿往遂出

廻龍山在西北一百二十里

馬鞍山在西北一百里

隨州志

卷之二

山

崙龍山在西北一百里峻嶺峙空連岡盤底上有祖師殿  
殿中有龍池寒泉澄冽四時不涸

孤山在西北五十里下有水曰孤港

觀音山在西北一百三十里山半有洞甚軒敞中有屋三  
間號崖菴不知何時建頂有流泉從洞西壁下注歲旱  
鄉人往禱取水歸輒雨號曰聖水

栲栳山在西北一百五十里高壓羣山廣圍五十里許衆  
峯環拱森若雉堞中有普濟寺爲明僧覺海開山地寺  
有禪沙門一峯撰稱山爲隨陽第一高峯神物所居實

棲真之窟宅隱聖之幽鄉寺中古柏盤鬱疊石成橋自成勝域其東鑿石爲龕深廣如屋題曰五佛真容按碑亦云龕有坐化真容然不詳爲何僧坐化處其左流泉滂出繞寺而西歷衆峯間曲折十餘里至西北崖間爲水濂下注聲如驟雨琤琮澗谷北流入棗陽界餘小泉無算其由東南出山者入瀲水山又有洞曰魯班洞其上有魯班塔高六尺許苔痕黝綠如古彝器

石門山在北一百五十里兩崖夾峙如門溪水西流入門中鑄石鏜鞳如鐘磬驟鳴溪北有洞疊石爲橋而入洞

隨州志

卷之二 山

十一

方廣四丈許

田黃山在北一百五十里舊傳有田黃二隱士居此山極峻西界棗陽縣

雞鳴山在西北一百六十里栲栳山東南高躋千丈其極頂曰雞冠塚上有真武殿清和宮左右有龍池虎洞伽藍殿其諸峯之最秀者曰文明曰香爐層嵐疊翠雞入雲烟彷彿匡廬面目山下卽澁水發源處

莫山在西北一百二十里有東西兩山皆高七百許

莫山在西北一百二十里有東西兩山皆高七百許

石公山在西北一百三十里兩山夾澗南北並峙峯峻插天望之如人對立俗稱爲石公石姥

鐵山在西北一百二十里一名白雲山高三百餘仞盤基四少里許下有七泉西流入澁水山下有漢留侯祠俗傳留侯曾採藥於此山半有石廣數丈其均處容水數斗土人每於冬月觀其盈涸以卜水旱

獅子山在西北一百三十里山形如獅子上有巖巖寺因山結構高下殊觀寺東峭崖壁立清泉噴出下逕吳山三里峽入澁水寺後里許有神仙洞高廣數丈可穿而

隨州志

卷之二 山

過俗名馬家山

橫嶺山在西北一百三十里丁字店雙峯遙對中亘平巒環臨澁水舊志稱魏大統中於此置戟城郡橫山縣隋大業中廢入安貴縣山下有學堂均康熙初里人曾欽載拔木通道創立義學延師教授遠近來學者歲數千人今垣宇尙存

紫金山在西北一百里唐縣鎮北西臨澁水

華寶山在西北九十里其最高處曰華表峯左有虎洞右有蓮花石山頂有真武殿明嘉靖四年建



俗謂之七尖峯山頂有黑龍潭止半有雲禪寺西南山下有黃龍潭歲旱每取水於潭則降雨上有黃龍寺中銅鑄諸佛天神像爲明僧大休卓錫地

城山俗稱田王寨在北一百七十里太白山東南岌業千餘仞巖石欲墜上有寨垣遺址蓋昔人屯戍所也其東北有月兒崖挺立數千仞劃然開裂如半月形山上懸泉無數飛注巖間清響遠徹下流東南入湫東北入淮水經注云山有水注流數丈洪濤灌山遂成巨井謂之石泉水北流注於淮卽此水也

隨州志

卷之二 山

十四

迴道山與晃山相連山徑紆迴陟履艱阻行者輒致怨恨故亦稱懷惱山俗傳慈忍禪師過此苦其阻陟因以足蹴山頂頂爲之偏今石上猶留巨人跡

晃山一名曠山在北一百八十里與太白山岡阜相連卽其支峯也山上怪石林立如人卧起如鳥獸飛走不可名狀山麓有延福禪院俗相傳慈忍師修道之所

太白山在北一百九十里卽古胎簪山也翼然雄峙峻極摩空蜿蜒百里北與桐栢大復諸山相聯屬湫水導於其南故水經注云湫水出桐栢之陽也上有玉女卧龍

紫霄翠微蓮華諸峯其入桐柏境者又有桃花洞鑼鼓  
洞層深疊秀遊者莫能窮其勝其上又有太平寺故亦  
名太平山其東北十里曰胎簪峯有石斜插如簪最高  
處曰香爐峯離地數千仞俯視羣峯如兒在抱其下卽  
淮水所出也山海經曰淮出餘山在朝陽東義鄉西今  
州北境實古之義鄉疑此山卽餘山也水經淮水出南  
陽平氏縣胎簪山注曰淮水潛流地下二十許里東出  
桐柏大復山南曰陽口水今大復山在桐柏縣南南陽  
府志桐柏縣大復山東接隨州西接棗陽淮水出焉與

隨州志

卷之二

山

十五

此道里適合其西有界牌嶺

冠子嶺在北一百九十里太白山東北界連桐柏地最險  
奧其下水南流爲合河

田上山在北一百七十里游水出於其下其東南有田下  
山山頂有田可藝泉出巖間自爲灌溉又有筆架山在  
其西南形家謂山脈自此分支南行至袁山又南結爲  
州城 以上州北諸山

九龍山在東北一百九十里水經注謂雞翅山九渡水所  
出也山勢蜿蜒東走連桐柏巖谷險奧道路狹隘

太乙山在東北一百九十五里山高十五里廣員六十餘  
里上有玉皇閣翼以兩廊白石甃成不假甄木閣外列  
石爲八卦中有一井上覆巨石左真武殿右三官殿  
石城周一千許步城內石上有仙人足跡城外有舍身  
巖巖高百餘丈上有大湖田小湖田可種植其東澗水  
橫繞曰仙河冬夏不竭下流數里注白水巖之龍潭潭  
周三畝許深不見底歲旱禱雨輒應水復自潭湧出灌  
注崖間爲瀑布水崖高八九里遠望如白練聲聞十餘  
里水經注九渡水云蔚溪之東山有一水發自山椒下

隨州志

卷之二 山

十六

數丈素湍直注頽波委壑可數百丈望之若霏幅練矣  
崖下有禪室名東大寺西有西大寺東五里有卓筆峯  
高七八里天然秀削上有祖師殿俗稱祖師頂

雙峯山在東北一百六十里上有古寨曰雙峯寨蓋昔人  
屯戍處

鼓臺山在東北一百九十里上有雷鼓臺山麓有東西二  
寨舊傳鄉人結寨禦賊臺其鳴鼓驚衆處也東有馬放  
嶺爲放馬之所

福祿山在東北一百四十里

九山在東北一百四十里九峯森列故有九名

洞山在東北一百五十里俗稱佛子洞洞在山半其外有金臺觀宋大觀九年建後圯明參將宋之彥重修之又建西來閣以爲遠眺之所與其子宗郊從子宗祁讀書其上今譌爲宋郊宋祁讀書處

紫荆山在東北一百六十里孤峯卓立翠嶽雲霄舊多紫荆樹故以名山其西北有馬鞍山

立石山在東北一百四十里王子城隍山有巨石介然特立高可五六丈其下削若懸針旁有兩小石左右撐柱

隨州志

卷之二

山

七

中正不倚故稱立石山又謂之端正石安陸教授胡景旦刻其上曰中天柱石

鴨山在東北百里高五里許前有寨名鴨山寨宋史孟宗政破元將完顏賽不於隨州鴨兒山擒其妻弟王醜漢卽其地也西北有古寺巔高七里許又有雞冠塚西有玉皇頂卽添河水所出也高皆與寺巔相等塚

鷓鴣山在東北一百三十里五代志上明縣下有鷓鴣山

卽此峯巔巖薛峻峙一隅廣員四十餘里漂水所導源

峯上石巔巖外有池曰天池歲旱禱雨輒應



蒸盤山在東北一百二十里山勢孤峻山右障頂土  
圓坦有古石垣遺址

塔汝山在東北一百二十里塔元灣西有龜山蛇山

列山在東北一百二十里黃連村炎帝神農氏所生也峯

巒隱秀洞壑幽藏天然靈境荊州記云山中有一穴父  
老相傳神農所生今謂之神農洞天上帝建神農廟有碑  
明知州范欽立山北有水卽水經注所稱賜水也水北  
爲殷家店地卽古厲鄉所謂九井及神農宅當在其地  
神農後世稱烈山氏禮記祭法篇亦稱厲山氏卽周時  
厲國明知州王納言指此爲神農所生以州北四十里  
之厲山店爲古厲國固意擬之辭要之西自灑水東北  
至黃連村皆古厲國境也

崢嶸山在東北一百二十里高十里許

二眉山在東北一百二十里朱家店形若列眉故以爲名  
其下楓香坳有水出焉南流入馬平港

蠻薦山在東北一百五十里

胭脂山在東北一百三十里

徐家山在東北一百四十里

螺螄山在東北一百四十里上名鄉其山盤旋若螺形巖  
徑險峻下爲漂水所出西逕厲鄉當卽古賜水則此山當  
卽水經注之大紫山也

餽蓬山在東北一百十里峯勢突兀山半有巨石跨澗水  
名會仙橋

屯子山在東北九十里

大義山在東北九十里傑峙平地其上有仙人石

按大義山在古義鄉地濇水所導源水南逕厲鄉不宜  
反在厲鄉南八十里則此山非古大義山矣

隨州志

卷之二

十九

兩仙山在東北三十五里雙峯並竦舊志謂兩尖山高二  
里許其南有龍池禱雨輒應

石女山在東北一百五十里

雷公山在東北四十里其上又有古寨遺址山半有洞曰  
雷公洞

龍鬬山在東北三十里兩崖相對漂水逕於其間謂之龍  
鬬口

紫城山在北二十里

嶺山在東北二十里形家謂之少祖山爲州城脈所自來

十里衝在州北一百六十里南北相距四十里兩邊皆  
山中爲衝

水南山在州南

澗山在西南七十里山川俱爲鄖鄉亦因之

香爐山在州北八十里

梁黃山在州西北百里有梁黃二逸士居此

仙人山在西北五十里遠望如仙掌

赤石山在北三十里山石皆赤唐天寶間改名赫山

大義山州北五十里周環百餘民居其間貧富共相取足

隨州志

卷之二 山

三

有義風故名

界牌山州北接唐縣

石女山在東北八十里有石如女子狀

走馬嶺俗傳關壯繆乘馬至此踏石跡猶存

水

津流達貫細入大含善長氏之旨趣也餘波潤及瘠  
化爲腴西河守之善政也隨境山谿委注而由湏以  
達漢者十九有津潤之利無積淹之虞其爲功也溥  
矣志水第五

湏水出大洪山西北二十里娥皇洞流泉自洞中出東北  
流十里逕雙河集左出爲澗水西流入鍾祥縣湏水東  
北二十里逕茅茨畷小湏水自洪沙河西流與合小湏  
水出大洪山西北大竹園鴛鴦河二水合流西北行三

隨州志

卷之二

水

三

十里逕穿洞又西合懸鉤嶺西來之水折而東至洪沙  
河入大湏水卽水經注所云石水東北流注於湏謂之  
小湏水亂流東北逕上唐縣故城南是也縣當在今潯  
潭之北又北逕潯潭店西折而東渠流潯曲故稱潯潭  
南逕嵩山寺北爲潯潭南合支水支水出大浪山東流  
至此水經注枝水亦出大洪山東流注於湏是也東南  
逕安居左合澁水左傳除道梁澁卽此又東逕長慶堡  
南合藥山水又東南二十里逕均河口東合均水又東  
逕湏陰亭又東逕城口木瓜園合灑水遶州城南水南

卽隨城山也又東南逕望城岡又東南逕浙河鎮合水  
浙河水卽古漂水也又東南逕獅子潭潭上有獅子巖  
對岸有繡毬墩水至此左合守溪水又東南逕雲潭合  
雲潭水又東南逕應山縣平林市南流入安陸境至漢  
川入漢水

澗水自澗河集西南出十五里逕新集入鍾祥縣境明史  
謂之豐樂水下流入漢

富水出州西南一百三十里大洪山水出山之左南流逕  
小佛街東南入京山縣境水經注謂之小富水亦富水

隨州志

卷之二 水

三

出大陽山之東南流逕三玉城屈而西南流右合大富  
水大富水出大陽山之南西南逕杜城西又東南入澗  
今謂之拉河明史地理志京山縣東有撞河自隨州流  
入或謂之富水今俗譌作春河

漳水出州西南九十里十九山東南流逕任家畝又東南  
逕紫溪村入安陸縣境水經注漳水出土山南逕隋郡  
平林縣故城西俗謂之將陂城與新市縣接界又南流  
右入富水

按水經注漳水入富不入澗今此水入安陸爲官澗河

至漳口入湏水與鄆注不合然沈括筆談云水清濁相揉者爲漳漳與湏合流色如蠟燭十里方混故曰漳則漳水於宋時卽已入湏是川流改道湖廣通志載漳水在州東三里今州東三里外無水以應之

暖水出大洪山西北湯池寺前池廣半畝許水性常溫明知州李充嗣構亭其上顏曰溫泉其流伏行北入湏水冷泉水出湯池寺右東流逕新陽店又東北十五里至洪沙河入小湏水

藥山水出藥山了角寺寺在山半東西有兩泉其東泉東

隨州志

卷之二 水

三

流五里逕兩河口二十里至安居店長慶堡入湏水其西泉西流十里逕朱家集又西十里至洪沙河入湏水均水出州西七十里佛兒嶺西上源自大洪山黑龍池來東逕四聖菴又東逕師古塔東北與雙泉水會又北逕下里畝又北逕佛兒嶺又東十五里逕尙家店南又東逕土山北隋於此置土山縣又東合五港水水源亦出大洪山澗流屈曲東北逕靈泉山支分五港又東北逕土山北入均水均水東北至百四畝折而東南流至均河口入湏

溟水出州南七十里大猿山俗稱紫山北逕珠寶山西北逕巫山折而東逕君子山北又東合三河水又東逕清水寺又東北至光化鋪南入溟

三河水經流出土山東逕柳林店又東合羅家河水又東合兩河水兩河水源出王家店北東流至此合柳林水又東至三河口合水口廟水又東南入浪水

溟水出州西北一百六十里雞鳴山水經注溟水出隋縣西北黃山今黃山無可考或即以雞鳴當之但注言在隋縣西北則不宜遠至一百六十里今雞鳴山地當已

隨州志

卷之二 水

三五

入溟西縣注言黃山者猶淮稱胎簪而夏書僅言白桐柏也西南流合嶧嶗山即栲水嶧嶗流泉四注西入棗

陽東入溟其南則入溟故舊志亦稱溟水出栲栲山也

東出而東南流逕唐家店合魯城河水又南流逕萬福店東又南逕唐縣鎮西卽後魏溟西縣也又南至溟河阪折而東屈曲從西南行逕孤山冲西梁於此置下溟戍又西南逕新何家店又西南逕老何家店又南逕長慶堡入溟

魯城河水源出雞鳴山南逕大悲寺又西逕羅漢寺東合

九曲泉水九曲泉出蔣家山南行水旁多修篁古柏鬱  
然幽徑至此合西南逕卧雲寨又南逕魯城寺寺前有  
魯王家湖廣通志謂魯肅築城於此按吳志肅未嘗封  
王家前多築堰蓄水稱二十四處蓮華堰又西南逕唐  
家店合鐵山水鐵山水出鐵山七泉涌注西南流至此  
合入澆水

灑水出北一百八十里太白山水經注呂忱曰水在義陽  
今太白實晉義陽地水南合合河水北出關子嶺南逕  
合河店折而東逕岡頭店東又屈曲東南流十餘里折

隨州志

卷之二

水

三

而西南至剛家河合天河口水又西南倒峽林水入焉  
倒峽水出栲栳山左統諸泉水東南流逕水晶溝東南  
入灑水灑水又西南逕劉家河又南逕厲山店南會三  
道河水又南逕土橋堰東合土橋水土橋水東出紫城  
山西流屈曲流六十餘里逕橋下北有潭廣二畝許中  
有七泉泉深叵測漏溢津注近村俱賴其灌溉南入灑  
水灑水又南逕迴龍店西又西南逕隨州城西爲浮纓  
河俗傳劉太保渡水落纓然太保何人莫可考又南至  
木瓜園入瀆水



按水經注潑水入澁今潑山下流與澁水相隔四十里其間岡阜相連無相入之理不知鄭氏何以於此處獨與地勢不合豈澁既入澗後澁澗互稱耶

天河口水出玉皇頂石泉下注逕明木冲稍東逕西草店折而西南流二十餘里至剛家河入潑水

龍陂水出嶺陽山水晶溝西南逕華寶山折而東合鳳凰隄水鳳凰隄水北出歷山東逕鳳凰隄南流至全河店合龍陂堰水爲三道河又西逕上市店南入潑水

台溪出州北十里紫城山其始細注曲折礮石門南逕小

隨州志

卷之二

水

二七

北門外礮山諸水出高家橋西來合之溪至此始廣每水漲溢入濠爲患明成化十五年判官孫益百戶張瑄朱元等築隄溪上以防內溢起自霖雨門至歲豐橋長五十七丈溪水又南逕出魚口入澗

潑水出州東北一百四十里螺螄山南流逕朱家店東屈而西逕殷家店右合鸚鵡山南來之水西南逕戎家店又西南逕高城南逕雷家臺又南逕戴家畝屈曲從南流逕塔兒灣其東北里許有蓮花堰中多蓮花又南合巖子河水又西南逕龍鬪灣又西南逕老龍隄自此而

下爲五陂河水旁有五陂曰接水陂鳳陽陂珠龍陂溝  
陂桃花陂各周數百步春夏水漲游衍蓄積賴以灌溉  
又南有鯉陂每春初多產小鯉西有平陂水皆東注地  
名五歸蕩言五陂水所歸也東入漂水

巖子河源自應山縣南流屈而東迴環爲月兒灣西逕雙  
河店其東里許有古墓廣一畝高二丈餘舊有四門今  
僅存其一冢上有甄塔今圯不知爲何人墓也又西入  
漂水

按漂水見五代志平林縣下水經無漂水而有溲水云

隨州志

卷之二 水

三六

溲水出平春縣西注云溲水北出大義山南流逕厲鄉  
西賜水入焉水源東出大紫山分爲二水一水西逕厲  
鄉南水南有重山卽烈山也又西南入於溲卽厲水也  
賜厲聲相近宜爲厲水一水出義鄉西南入注溲溲水  
又逕隋縣入安陸也則考古溲水當自殷家店以上南  
流接今之漂水直下至龍鬪河似是古溲故道但殷家  
店以上皆是山澗小水不可以爲溲水正源古大義山  
亦無可考其下流西南至小淅河入潁則亦與酈注入  
隋注安陸之文不合今朱家店西有一水源出二層山

楓香坳南流逕馬平港南入澗則已在古安陸境故湖廣通志亦以馬平港爲濇水然馬平港自受應山漢東大洪兩河之水楓香坳水既非其正源又不能上接龍鬪河之水亦不可以爲濇徑流也蓋水道不能屢久不改隨境東南少山陂塘交錯濇水故道不可復尋湖廣通志於應山安陸縣下俱載有濇水亦未深考矣

今漂水自朱家店西逕殷家店南厲山神農洞又在其南當卽是古之賜水其水所出之螺螄山當卽是古大紫山其別出義鄉入隋注濇之水雖無可考然巖子河

隨州志

卷之二 水

三五

自東來至塔兒灣合漂水疑爲其故道惟上梳不從螺螄山分支與酈注不合

守溪水出州東三十五里兩仙山自山下龍池南流逕舒家河又南流十里逕顏家舖東又南十里爲守溪又屈而西流十里逕天緣橋又西南十里至獅子潭入澗水義水出鸚鵡山西北流逕忤水關合諸山澗水又東北逕二道河入游溪

游水出州東北一百七十里出上山東北流逕二道河爲游溪合義水游溪水又東北逕王子城又北逕小林店

合祖師頂北來水又東北至三里岡入淮按水經注油  
水出平春縣西南油溪東北流今游水當卽是油溪水  
九渡水出州北一百七十里九龍山水經注九渡水出雞  
趨山礮澗灣委泂湖九渡故謂之九渡焉今水東北流  
屈曲逕出山店左右澗流爭注又北逕龍潭河合白水  
崖水水經注云游溪之東有一水發自椒山下數丈素  
湍直注頽波委壑可數百丈望之若霏下流注九渡水  
卽此水也又北至淮河店北入淮  
聖水河從栲栳山出

隨州志

卷之二 水

三

石魚河太洪山下

柞水在東北百五十里其水逆流故名

扶恭河在州城西上從栲栳山道家林流入州境下入于  
安陸合漢水入大江